



Ovaj projekat finansira Evropska unija

PROJEKTNI ZADATAK

Kreiranje i provođenje trening programa na temu: Unaprijeđenje vještina zagovaranja putem medijima sa fokusom na visoko obrazovanje za članove ERSE mreže (mladi, predstavnici akademske i poslovne zajednice).

Referentni broj: EUTP-01-21/01

Datum: 11.01.2021.

Udruženje Prava za sve za potrebe projekta *“Studentskom praksom brže do posla”* traži edukatora_icu/pravno lice za pružanje usluge kreiranja i provođenja programa edukacije o zagovaranju putem medija sa fokusom na sektor visokog obrazovanja u Bosni i Hercegovini za članove ERSE mreže u okviru implementacije projekta:

“Education Reform to Secure Youth Employment through Enterprise-based Learning” / “Studentskom praksom brže do posla”

1. UVOD

Projekat *“Studentskom praksom brže do posla”* odgovara na nedostatak provođenja studentske prakse kao obaveznog i redovnog nastavnog procesa na fakultetima/univerzitetima u BiH zbog čega su studenti lišeni mogućnosti za sticanje potrebnih praktičnih znanja i vještina koje zahtijevaju poslodavci i tržište rada.

Projekat jača institucionalne i kapacitete OCDA i drugih koji se bave ovim pitanjima za zajedničko djelovanje u zagovaranju za poboljšanje politika i zakonodavstva u oblasti visokog obrazovanja slijedeći dobre prakse i iskustva zemalja EU.

Organizacije mladih kao i drugi relevantni akteri koji se bave ovim pitanjima nemaju adekvatne kapacitete za međusobno povezivanje i pokretanje procesa zagovaranja za vođenje javnog dijaloga i/ili promjene politika radi uvođenja studentske prakse kao sastavnog dijela obrazovnog procesa. Nedostaje i potrebno znanje o evropskim standardima i modelima prakse koji na najbolji način poboljšavaju znanje i kompetencije studenata. Zbog svega toga civilno društvo ostaje izvan procesa EU integracija u području obrazovanja. Vlasti i donosioci odluka općenito nisu otvoreni za dijalog o ovom pitanju, i donose odluke bez sudjelovanja onih na koje se ovo odnosi, a to su prije svega mladi ali i predstavnici akademske i poslovne zajednice. Krajnja posljedica svega je da mladi nemaju priliku da steknu potrebno radno i stručno iskustvo, poslodavci ostaju lišeni odgovarajuće radne snage, a stopa nezaposlenosti mladih raste.

Projekat implementiraju

Metodologija provođenja projekta

Umrežavanje (upostavljanje ERSE mreže/Edukacija-reforma-Sigurnost-Egzistencija) kao metoda za razmjenu informacija, zajedničko djelovanje i uspostavljanje dugoročne interakcije, koristit će se za postizanje ciljeva projekta. Projektom se planira provođenje sveobuhvatnog **programa izgradnje kapaciteta** članova mreže i primjene tako stečenog znanja u praksi. Tako će članovi ERSE mreže biti osposobljeni da se uključe u javni dijalog sa donosiocima odluka na relevantnom nivou te osposobe da zajednički zagovaraju za potrebne promjene; da učestvuju u medijskim kampanjama te da se upoznaju i uključe u proces EU integracija u sektoru obrazovanja. Kroz iniciranje i **provođenje kampanja javnog zagovaranja i medijskih kampanja** za uvođenje redovnih studentskih praksi u sistem visokog obrazovanja postiže se dodatni potrebiti pritisak na donosice odluka za otvaranje dijaloga o visokom obrazovanju i usvajanje ciljanih preporuka.

Opći cilj projekta je reforma visokog obrazovanja prema EU standardima i omogućavanje studentima da steknu obrazovanje koje im pruža praktične vještine potrebne na tržištu rada u BiH.

Specifični ciljevi su uspostaviti mrežu kao ključni mehanizam društvenih promjena koji povezuje akademsku, poslovnu zajednicu i studentska i druga udruženja diljem BiH, te jačanjem kapaciteta mreže i provedbom javnog zagovaranja putem širokih medijskih kampanja podržati reformu visokog obrazovanja u skladu sa EU dobrim iskustvima u dijelu koji će voditi uspostavljanju studentskih praksi.

Trajanje projekta: 01.12. 2018.-30.11.2021.

Provođenje projekta: Udruženje "Prava za sve" provodi projekat u partnerstvu sa U.G.Budućnost iz Modriče.

2. CILJEVI I OBIM ZADATKA

2.1 Svrha angažovanja:

Oснаžiti kapacitete za efikasno komuniciranje sa medijima i putem medija sa javnošću; usvajanje komunikacijskih vještina koje su potrebne za javni nastup i komunikaciju sa različitim vrstama medija u cilju prezentacije rada i efikasnog plasiranja ciljanih poruka za ukupno 40 članova ERSE mreže iz različitih sektora (mladi, akademska i poslovna zajednica). Kroz implementaciju predloženog programa treninga učesnicima_ama pružiti potrebne informacije i podići znanje o metodama, tehnikama i alatima za postizanje boljeg uspjeha u upotrebi medija pri javnom zagovaranju i komuniciranju radi prezentacije željenih poruka i relevantnih informacija. Očekivani rezultati su unaprijeđenje kompetencija učesnika u korištenju medija u javnom zagovaranju prema donosiocima odluka kako bi se aktivno uključili u javni dijalog i uticali na kreiranje i provođenje politika i propisa u skladu sa definisanim preporukama ERSE mreže. U okviru programa edukacije održaće se 4 dvodnevne radionice istog programskog sadržaja za članove ERSE mreže. Svaka radionica će imati po 10 učesnika.

Projekat implementiraju

2.2 Opis poslova

Od angažovanog edukatora/ice očekuje se:

- ❖ Da se blisko upozna sa ciljevima i rezultatima projekta čijem postizanju program edukacije treba da doprinese;
- ❖ Osmisli i kreira sadržaj i program online obuke (u elektronskoj verziji i prilagođen online radu), te pripremi odgovarajući materijal (PPP i druge relevantne materijale za rad) za dvodnevnu radionicu, a koji će učesnicima omogućiti da steknu potrebna znanja i vještine;
- ❖ Održi ukupno 4 dvodnevne radionice istog sadržaja i metodologije u terminima koje dogovori sa naručiocem usluge;
- ❖ Osmisli i pripremi upitnik za procjenu nivoa stečenog znanja, potrebnog za izradu evaluacije,
- ❖ Dostavi izvještaj u pisanoj, elektronskoj formi, na engleskom jeziku, najkasnije 7 dana od završetka posljednje radionice. Izvještaj treba da sadrži: uvod, opis treninga i očekivane rezultate obuke, listu učesnika, rezultate evaluacije uz prateću dokumentaciju, te izazove.

2.3 Kvalifikacije i vještine:

- ❖ Visoko obrazovanje iz oblasti društvenih nauka, poželjno iskustvo u radu u medijima;
- ❖ Najmanje 5 godina profesionalnog iskustva u radu sa civilnim sektorom;
- ❖ Najmanje 5 godina iskustva u organizovanju i vođenju radionica iz oblasti medijskog komuniciranja i zagovaranja;
- ❖ Posjeduje reference kojima može dokazati znanja u oblasti komunikacija i odnosa sa medijima

2.4 Period angažmana i plaćanje

Za provođenje ovog posla potreban je angažman u ukupnom trajanju od 14 radnih dana u periodu februar – mart 2021 godine. Maksimalan bruto iznos predviđen za ovaj angažman iznosi 4114,48 KM (2 100,00 EUR). Naknada uključuje sve troškove vanjskog stručnjaka. Plaćanje će se izvršiti ukupno nakon odobrenja izvještaja o isporuci usluge. Angažovni/a edukator/ica/pravno lice će tokom obavljanja usluga održavati redovnu komunikaciju sa koordinatoricom ERSE mreže i projekt menadžerom.

3. PRIJAVA

3.1 Prijava mora sadržavati:

- ❖ Referentni broj ponude
- ❖ Pismo interesa
- ❖ CV stručnjaka_ice sa detaljnim informacijama o relevantnom prošlom iskustvu,
- ❖ Prijedlog treninga treba biti jasan i koncizan, sa kratkim opisom metodologije rada, evaluacijskim planom i finansijskom procjenom troškova,
- ❖ 2 reference s punim kontaktom

Projekat implementiraju

3.2 Ocjena prijedloga

Ugovarač će donijeti odluku o najpovoljnijoj ponudi na osnovu profesionalnog iskustva u skladu s kriterijima postavljenim u dijelu Kvalifikacije i vještine ovog dokumenta i na osnovu prijedloga treninga koji je naznačen u ovom dokumentu u dijelu Prijava mora sadržavati.

3.4 Postupak prijave

Zainteresovani za prijavu treba da pošalju svoju CV sa ponudom uz prateće propratno pismo Udruženju Prava za sve na e-maila adresu: office@pravazasve.ba sa obaveznom naznakom referentnog broja.

Rok za prijavu: 22.januar 2021.godine do 17:00h

Ponude pristigle nakon navedenog roka za dostavljanje ponuda, neće se razmatrati.

Projekat implementiraju